

佛說大意經

羊

宋天竺三藏求那跋陀羅譯

聞如是一時佛在舍衛國祇樹給孤獨園與千二百五十比丘俱佛告諸比丘昔有國名歡樂無憂王号曰廣慈哀國有居士名摩訶檀妻名梅陀生一子姿容端正世間少雙墮地便語便擔願言我當布施天下救濟人民其有孤獨貧窮者我當給護令得安隱父母因名為大意見其有異姿不與人同恐是天龍鬼神欲行卜問大意知之便報言我自是人非天龍鬼神也但念天下人民窮厄者欲護視之耳說此意便止不復語至年十七乃報父母言我欲布施勤苦人令得安隱父母念言子初生時已有是願便告子言吾財無數自恣意所施與不相禁制也大意報言父母財物雖多猶不足我用唯當入海採七寶以給施天下人民耳數言如是父母即聽使行大意便作礼辭行入海道經他國國中有婆羅門財富無量見

大意光顏端正甚悅樂之告言我相敬重今有小女欲以相上願留止此大意報言我辭家入海欲採七寶未敢相許且須來還於是遂進採得七寶即遣人持寶還其本國轉復到海際求索異物忽見一大樹高八十由延廣亦八十由延大意便上樹遙見一銀城宮闕殿舍皆是白銀天女侍側妓樂自然有一毒蛇繞城三面見大意便舉頭視之大意自念言人為毒蛇所害者皆由無善意故耳便坐思須自思惟定意須更須地即伍頭睡卧大意欲入城守門者便入白王言外有賢者欲見於王王身自出迎之歡喜而言唯願仁者留住此一時三月得展供養答言我欲行採寶不宜久留王報言我不視國事唯願留住大意便止留王即供設衣服飲食妓樂卧卧之具乃歷九十日竟大意辭王欲去王便取玳瑁七寶欲以送之大意言我不多用是七寶聞王有一明月珠意欲求之王言我不惜是珠但恐道路艱嶮難以自隨耳大意言夫福之

大意經 第三張 羊

將人不畏艱嶮王言此珠有二十里中寶隨之便以貢於仁者在意所欲若後得道願為弟子得給供養踰於今日也大意便受珠歡喜而去於是大意轉前行見一金城宮闕殿舍皆是黃金七寶之樹自然音樂天女侍從轉倍於前亦有毒蛇繞城六匝見大意便舉頭視之復坐定意蛇復伍頭而卧大意欲入城守門者即入白王王即出迎與相見請前語言願留一時三月展於供養大意便止留王即待遇施設飲食衣服天女眾妓以娛樂之乃歷六十日辭王欲去王守請使留其意不樂止遂辭王而去王復取玳瑁七寶以送之大意不肯受告言我不樂眾寶聞王有一明月珠願以相惠王言不敢愛之但恐道遠且嶮難以自隨耳報言夫福之所將何有難嶮王即報言此珠有四十里中玳瑁追之便以貢上仁者願後得道為弟子神足無比得展供養過於今日便歡喜受珠而去於是大意轉前行復見一水精城宮

大意經 第三張 羊

闍殿舍皆是水精七寶之樹自然音樂天女侍從轉倍於前亦有一毒地繞城九匝見大意即復舉頭視之大意即復坐深自思惟入定地即復低頭睡卧大意欲進時守門者入白王王即出迎請前語言願留一時三月大意即留王復盡意供養施設飲食衣服妓樂以娛樂之乃歷四十日即復辭王去王便取珠琦七寶欲以送之大意不受報言我不用是眾寶聞王有一明月珠願以相惠王便報言此珠有六十里中寶追之便以上仁者若後得道願為弟子智慧無比當復供養過於今日便受珠歡喜而去

大意經 第四張 羊

七寶以送之大意不受其珍寶言我聞王有一明月珠願以相惠王報言此珠有八十里中珍寶追之便以上於仁者願後得道時我為弟子淨意供養過於今日令長得智慧大意便受珠歡喜而去

大意念言吾本來求寶今已如志當從是還便尋故道欲還本國經歷大海海中諸神王因共議言我海中雖多眾珍名寶無有如此寶珠便勅使海神要奪其珠神便化作人與大意相見問言聞卿得琦異之物寧可借視之乎大意舒手示其四珠海神便搖其手使珠墮水中大意念言王與我言時但道此珠難保我幸已得之今為此子所奪非趣也即謂海神言我自勤苦經涉嶮岨得此珠來汝反奪我今不相還我當扞盡海水耳海神知之問言卿志何高乃余海深三百三十六萬由延其廣無涯奈何竭之譬如日終不墮地大風不可攬末日尚可使墮地風尚可攬東大海水終不可杼今竭也大意笑答之言我自

大意經 第五張 羊

念前後受身生死壞積其骨過於須弥山其血流五河四海未足以喻吾尚欲斷是生死之根本但此小海何足不杼復說言我憶念昔供養諸佛誓願言令我志行勇於道决所向無難當移須弥山竭大海水終不退意便一其心以器杼海水精誠之感達於第一四天王來下助大意杼水分已杼其二於是海中諸神王皆大振怖共議言今不還其珠者非小故也水盡泥出子便壞我宮室海神便出眾寶以與大意大意不取告言不用是輩但欲得我珠耳促還我珠終不相置也海神知其意感便出珠還之大意得珠過取婆羅門女還其本國恣意大布施自是之後境界无復飢寒窮乏者四方士民皆去其舊土襁負歸仁如是布施歷載恩逮翽飛致行蠕動靡不受潤其後壽終上為帝釋或下為飛行皇帝積累功德自致成佛三界特尊皆由宿行非自然也佛告諸比丘大意者我身是時居士摩訶檀者今現悅頭檀是時母梅

大意經 第六張 羊

陀者今現夫人摩耶是時歡樂無憂  
國王者即摩訶迦葉是時婆羅門女  
者俱夷是時女父者弥勒是時銀城  
中王者阿難是也時金城中王者曰  
犍蘭是時水精城中王者舍利弗是  
也時琉璃城中王者比丘須陀是也  
時第四天王助大意抒海水者即優  
陀是也時奪其珠者即調達是也時  
四城門守者即須臾般特蘇曷披拘  
留是時繞四城毒蛇者即是共殺酸  
陀利四臣是也阿難整衣服作礼白  
佛言是時大意以何功德乃致是四  
寶城處處得供養及獲四明月珠象  
寶隨之佛言乃昔惟衛佛世大意嘗  
以四寶為佛起塔供養三尊持齋七  
日是時有五百人同時共起寺或懸  
繒然燈者或燒香散花者或供養比  
丘僧者或誦經講道者今皆來會此  
阿難及四輩弟子聞經歡喜前為佛  
作礼

佛說大意經

摩訶高麗國大藏都監奉  
勅雕造

大意經 第七卷 半

四六 佛說大意經

佛說大意經  
校勘記

- 一 底本，麗藏本。
- 一 二七九頁上一行經名下，徑、清有夾註「亦名大意抒海經」。
- 一 二七九頁上二行首字「宋」，晉、南、徑、清作「劉宋」。
- 一 二七九頁上一四行第六字「意」，諸本作「竟」。
- 一 二七九頁中一行「思須」，資、磧、晉、南、徑、清無。
- 一 二七九頁中一二行第一三字「睡」，資、磧、晉、南、徑、清作「眠」。
- 一 二七九頁中末行第九字「耳」，資、磧、晉、南、徑、清無。
- 一 二七九頁下九行首字「復」，石作「亦復」。
- 一 二七九頁下一八行「且嶮難」，石作「險阻難」；資、磧、晉、南、徑、清作「阻險難」。
- 一 二七九頁下二一行第三字「道」，石作「道願」。
- 一 二八〇頁上三行「大意」，資、磧、晉、南、徑、清無。
- 一 二八〇頁上二二行第二字「自」，石無。
- 一 二八〇頁中二行第八字「願」，資、磧、晉、南、徑、清作「儻」。
- 一 二八〇頁下四行第二字「不」，資、磧、晉、南、徑、清作「可」。
- 一 二八〇頁下七行首字「便」，清作「使」。
- 一 二八〇頁下一一行第六字「子」，磧作「中」。
- 一 二八一頁上五行第二字「蘭」，資、磧、晉、南、徑、清作「連」。